

96 25. maí. og fjárhald hinnar fyrirhuguðu kirkju þar, um 2000 króna lán úr viðlagasjóði til kirkju-
byggingar, gegn vöxtum og endurborgun af tekjum þeim, er lagðar verða til kirkjunnar,
og giört er ráð fyrir, að verði 160 til 190 kr. á ári, — og lagt það til í þóknanlegu
brjefi 25. f. m., að lán þetta verði veitt, með þeim kjörum, að greiddir sjeu af því 4 af
hundraði í vöxtu, og höfuðstóllinn borgaður aptur með 80—100 kr. á ári.

Út af þessu er yður þjónustusamlega tjáð til þóknanlegrar leiðbeiningar og birt-
ingar, að með því að hin venjulegu kirkjugjöld úr þeim hluta Helgafellssóknar, er leggja
á til kirkjunnar í Stykkishólmi samkvæmt konungsúrskurði 31. desember f. á.,¹⁾ geta eigi
runnið inn til hennar, fyr en hún er komin upp, getur ráðgjafinn eigi álitid veð í tjeðum
gjöldum nægilega tryggingu. Lán þetta verður því eigi veitt nema því að eins, að ann-
aðhvort sje sett lögmætt veð fyrir því í jörðu, eða að íbúar hinnar tilvonandi sóknar
ábyrgist borgun á því og vöxtunum af því.

97 28. maí. — *Brjef landshöfðingja til amtmannsins yfir norður- og austurumdæminu um*
lestagjald af færeyskum fiskiskipum. — Þjer hafið, herra amtmaður,
leitað úrskurðar míns út af spurningum sýslumannsins í Suður-Múlasýslu í brjefi til yðar
frá 28. ágúst f. á. um það,

1. hvort skipstjóra á færeysku fiskiskipi sje heimilt að kaupa hjer á landi fyrir utan hina
löggitu verzlunarstaði nokkrar kindur til niðursöltunar í tunnur og flytja síðan út
kjötið, og
2. hvort nokkuð sje því til fyrirstöðu, að færeysk hafskip skilji eptir á bæjum hjer á
landi menn og báta til þess að róa til fiskjar á meðan hafskipin flytja heim fiskinn,
er veiddur hefir verið á þau, og hvort greiða beri lestagjald af viðkomandi skipi, þegar
fiskurinn, er þeir menn, sem eptir voru, hafa veitt, er sóttur af hinu sama fiskiskipi, er
setti mennina í land.

Fyrir því vil jeg tjá yður til þóknanlegrar leiðbeiningar og birtingar fyrir hlut-
aðeigöndum :

Ad 1. Það er bannað að reka verzlun með útlendar vörur fyrir utan hin lög-
gitu kaugtún; en skepnur og aðrar innlendar vörur mega útlendingar eins og innlendir
menn kaupa fyrir peninga allstaðar á landinu, og flytja út gegn borgun hins lögskipaða
lestagjalds,

Ad 2. Ef færeyskir fiskimenn útvega sjer uppsátur og verkunarsvæði hjá hlut-
aðeigandi böendum, getur ekkert af hálfu valdstjórnarinnar verið á móti því, að þeir stundi
afla sinn frá landi, en það er vitaskuld, að afli þeirra verður að vera háður hinum sömu
gjöldum og fiskur sá, er veiddur er af innlendum mönnum. Þeir verða því bæði að greiða
spítalagjald af fiski sínum, þegar hann er veiddur, og lestagjald, þegar hann er fluttur út,
og getur það enga þýðingu haft í þessu tilliti, að skip það, sem fiskurinn er fluttur út í,
meðfram er haft til fiskiveiða.

98 1. júní. — *Brjef landshöfðingja til landfógeta um laun sýslumanna.* — Ráðgjaf-
inn hefir 25. f. m. samþykkt til bráðabirgða neðanritaðan reikning á launum og pers-
ónulegri launabót, er lög um laun sýslumanna og bæjarfógeta 14. desember f. á. ætla
þeim embættismönnum, er nú sem stendur þjóna þessum embættum:

1) Sbr. br. ráðg. 10. jan. þ. á. bls. 33. (N. 36.) í stjórnartíðindum B þ. á.

Embættið.	Laun eptir lögum 14. desbr. 1877, 4., 5. og 7. grein.	Persónuleg launabót.	Alls.
	kr. a.	kr. a.	kr. a.
1. Skaptafellssýsla	2764 96	» » »	2764 96
2. Vestmannaeyjasýsla.	1841 4	» » »	1841 4
3. Rangárvallasýsla	3000 »	300 86	3300 86
4. Árnessýsla	3500 »	923 91	4423 91
5. Reykjavíkur kaupstaður	3000 »	» » »	3000 »
— skrifstofukostnaður	1000 »	» » »	1000 »
6. Gullbringu- og Kjósarsýsla	3000 »	» » »	3000 »
7. Borgarfjarðar- og Mýrasýsla	3500 »	1057 68	4557 68
8. Snæfellsnes- og Hnappadalssýsla	3000 »	» » »	3000 »
9. Dalasýsla	2500 »	» » »	2500 »
10. Barðastrandarsýsla	2500 »	167 49	2667 49
11. Ísafjarðarsýsla og kaupstaður	2853 44	» » »	2853 44
12. Strandasýsla	1545 16	» » »	1545 16
13. Húnavatnssýsla	3500 »	1143 34	4643 34
14. Skagafjarðarsýsla	3000 »	1282 35	4282 35
15. Eyjafjarðarsýsla og Akureyrar kaupstaður	3500 »	609 14	4109 14
16. Þingeyjarsýsla	3412 96	» » »	3412 96
17. Norðurmúlasýsla	3000 »	620 18	3620 18
18. Suðurmúlasýsla	2500 »	757 13	3257 13

Samkvæmt þessu vil jeg hjer með leggja fyrir yður, herra landfógeti, að greiða fyrst um sinn hlutaðeigandi embættismönnum úr jarðabókarsjóði það fje, er til er tekið að framan við hvert embætti fyrir sig, eptir hinum almennu reglum um greiðslu launa, og þannig, að launin sjeu talin frá 6. þ. m., samkvæmt lögum 14. desember 1877.

— *Bréf landshöfðingja til sýslumannsins í Skagafjarðarsýslu um vegabót á Öxnadalshéiði og yfir Vatnsskarð.* — Hjer með gefst yður þjónustusamlega til þóknarlegrar vitundar, herra sýslumaður, að jeg samkvæmt beiðni yðar fyrir hönd sýslunefndarinnar í Skagafjarðarsýslu hefi veitt þetta ár 1200 kr. til að halda áfram vegagjörðinni á Öxnadalshéiði og yfir Vatnsskarð, af fje því, sem til er tekið í 10. gr. C 6 í fjárlögum.

EMBÆTTASKIPUN.

Hinn 3. dag júnímánaðar setti landshöfðingi Jón ritara Jónsson til þess að þjóna bæjarfógetaembættinu í Reykjavík og Guðmund málaflutningsmann Pálsson til þess að gegna sýslumannsembættinu í Kjósar- og Gullbringusýslu, báða frá 6. s. m.

Hinn 11. d. s. m. var hjeraðslæknir í 17. læknishjæði Sigurður Ólafsson settur til ásamt þessu embætti að taka að sjer og gegna þeim hluta 16. læknishjæðs, er saman stendur af Hof- Borgarhafnar- Mýra- og Nesjahreppum í Austur- Skaptafellssýslu.

Hinn 25. d. s. m. var prestinum að Stað í Grindavík sjera Kristjáni Eldjárnri Þórarinnssyni veitt Tjarnarprestakall í Eyjafjarðarprófastsdæmi með útkirkjum að Urðum og Upsum.

ÓVEITT EMBÆTTI.

Staðarprestakall í Grindavík í Kjálarnessprófastsdæmi, metið 493 kr. 26 a., auglyst 28. júní 1878. Sá, sem fær þetta brauð, kann að verða settur til að þjóna Selvogsþingum fyrst um sinn.